



對山集卷之十七

墓志

明故資善大夫都察院右都御史鄒公墓志銘

公諱昊字宗大其先鄒衍之後也蓋有仕宋者隨高宗南渡居句容來蘇鄉曾祖保保洪武二十三年解馬長受軍丁於寧夏不能歸遂從馬姓娶鈕氏生公祖豫豫娶周氏生公公父俊俊先娶劉氏生二子昇昊矣劉氏卒俊鰥居不娶有相士謂曰君之相晚當生貴子於是鄉人力勸俊娶乃繼娶楊氏生公公幼與群兒戲端坐高躑指示方畧觀勝負以爲樂長者異

之十六喪父家道浸衰公傭書供母見千戶者優禮待秀才奮然曰秀才亦人爾我奚弗若彼哉於是從周生折節讀書顧家貧夜無燈油乃就廟中燈讀之周生言於巡撫賈公嘉其志給燈油緝筆後選為衛學生陳公福慶奇之以女妻公弘治乙卯果中鄉試高等己未進士拜行人鈞陽公時在兵部與之語器之因數訪邊事或奏行之三年授江西道監察御史巡按山西揚清激濁風裁凜然陞山東按察司僉事尋謫真定推官值韃官盜掠行旅人莫敢撻公曰彼恃騎射爾吾民亦能騎射顧吾無以教彼烏敢當吾衆

於是懸金示賞不數月邏卒皆稱善射諸韃官多被捕獲乃不敢為盜俄傳謫公開州判官百姓詣闕上書留公

先皇帝死之乃免開州之命未幾復遷四川按察司僉事時蜀盜監鄆方劇合四省兵馬勦之無効公之至笑曰將不知兵柰何可勝於是擇精兵千人教之分為四隊隊各立長統之賊來逼城公夜出精騎百人舉砲擊營賊內潰我兵奮擊斬首四千餘級蓋用兵以來所絕無者軍中皆喜公曰戰雖少勝賊心未寒胡足為喜遂乘勝進發遇賊大營賊列陣於左伏

兵於右公以正兵攻左親率精兵千騎擣伏伏兵驚潰自相蹂踐戕擊死者不可勝計乃舉火焚棚明日追賊百餘里斬其首賊方四降者萬人餘黨咸遁公下令曰此後擅殺人者抵命於是驅掠從賊者人人皆望生全矣總制洪鍾巡撫林俊會舉陞川東道兵備副使及得麥子山之捷賊避居川北有兵備副使張思齊與巡撫高謀廖麻子欲就招安求臨江市住劄必徙臨江市民彼方肯降公曰臨江市蜀襟喉之地上海達重叙下連湖襄其地饒腴其民富庶徙民養寇外將誰歸公立賞飭兵獨務行勦賊因不敢掠川

東而伏漢州平垧未幾又集衆至二十萬竟反前約官軍戰皆敗績於是賊謀先破中江移兵成都高公懼亟調公往公率精兵五千騎日夜追賊賊聞公至遂解中江之危而成都無事矣尋

朝廷改命彭公澤總制公與彭公公合兵擊賊大破賊營斬其賊首廖麻子餘黨復大喻老人遁入東鄉山中會科道交章劾高公薦公以代遂

巡撫四川公與彭公議曰東鄉山大不便騎射某請率步兵三萬人深入九真垧劄營四面分布守隘賊不能出亦不得擄寇窮而後招降彼必自縛其魁至

矣公至九真賊果縛喻老人等四十餘人赴軍門給
票以投降者令自歸鄉里蜀盜遂平彭公曰使早用
馬公蜀平久矣比凱旋有駱松祥與遂寧渠縣之寇
未息各稱萬人皆觀望喻老人爲進止至內江遣火
牌入賊營論利害除松祥等十數人外餘皆聽撫松
祥既擒與遂寧渠縣諸賊相繼捕獲伏誅奏

上林公右副都御史巡撫如故仍賞松祥子慶兒三
保爲奴乙亥冬虜亦不刺由西海至松潘張刺蜀民
震恐公與總兵官張傑謀招大信小信土番令爲鄉
導大軍夜抵虜營虜驚潰遁去獲馬三十餘匹及衣

物百十事捷

上加公俸一級茂州番攻城謂城故乏水公指泉穴
得泉揚以示番番人解去歲丙子高拱筠連彝人普法
惡鼓惑諸夷僭號據險肆行政劫公率兵搗其巢穴
降者萬計惟青山寨不下公曰青山寨高而無泉我
絕其水口不數日賊當困渴以死何復庸戰遣指揮
何定據水口賊志果窘公曰賊今夜當遁可掣南方
一面待之於是遣人論寨夷曰今焚人子殺爾寨首
級換水吃數日不下無噍類矣寨夷相向大哭中夜果
下寨走生擒萬餘人渠首悉獲捷

上陞公右都御史蔭子夢鶴錦衣衛百戶時方以副都考蒲公與其配及父祖已受三品誥命而蔭子夢陽入監公曰功成身退天之道也累疏乞休不久歲已卯太監劉允奉

勅取活佛案下三司措置銀百十萬兩巡按御史唯唯而已公但厚與允往來累月畧不及銀兩事允差人來議銀兩公曰此中絕有利害太監厚我我不忍置太監於水火之中而不採也人還告允允異日見公曰公有愛允之言願有以教允也公屏去左右與允曰此行果公所願乎曰未也至彼果保其中途

無虞乎曰未也今日百萬銀兩果公自得不以分近幸乎曰未也公今費百萬求佛不成

朝廷究極所費能立舉百萬還官乎況此行活佛必不可致後患必不可免何以爲他人拮克瘡瘍之民張大虛敷以賈實禍切爲公不取也允流涕稱謝明日案下改百萬爲十萬三司驚喜不知事自何出公卒不言所以語允者於人後巡按論允安靜

先帝賜

勅獎勵允愈益願爲好人地方不擾公之力也後以徵事下詔獄今

上即位特復其官公懇心致仕既得

諭旨遂定居長安因自號曰東溪居士明年癸未省墓
寧夏以宅與兩兄又買山以益之凡送終之具咸與
處之戊子以復姓上請得允休休田里不求聞達公
卿論薦累歲不乏

朝廷將用公而公不起矣時嘉靖甲午四月十四庚
寅也由生成化乙酉十一月二日丙午享年七十夫
人陳氏生男三人夢鶴夢龍夢陽夢龍亦國子生女
子三人長嫁指揮盛恩次嫁生員保召季嫁指揮何
坤孫女子一人夢鶴出也陳夫人先公卒公英年鰥

居矢不再娶計聞特

賜苑祭生榮死哀若公可謂難矣今年丙申十二月
十五日丙申夢龍等將葬公長安第五橋風涼原新塋
合陳夫人之兆以狀請銘於予予於公有厚交義不
可辭偶憶公處陳翁事嘗以為人所難能陳翁卒時
子聽十一歲妹三歲也撫而教之至於成有家室骨
肉之際盡其心以俟天公獨有焉銘曰 逝矣維鄒
苗裔肇衍仕於東京厥家已顯徽欽既北高辰南觀
乃居句容苟以無忍曾祖至夏留滯莫返冒姓三世
我鄒方蹇施於封君積善實遠篤生東溪雋經飶典

膺仕

昌朝何往弗善觀風三晉貪叨咸剪既進乃蹶我履
彌闡復僉蜀臬殪羊噬犬赫赫厥聲才猷畢展節鉞
所臨執若席卷內艱不生外侮悉殄

天子悅懌廟堂稱鮮分席臺端安危是覲中心鑒盈
聿懷睦獻東溪十年何興弗遣五橋之阡與儷同駟
勤在太常名留琰琬丈夫有懷維公克踐我銘不阿
公兆若峴子孫勉哉世萬奚忝

明故承德郎戶部貴州司主事閻君墓志銘
君諱倬字允章號山泉子太子太傅兵部尚書恒齋

公之季子也世為隴州人曾祖秀未仕祖璿宣德乙
卯舉人歷仕南充嶽陽昌邑廣昌濟源教諭具以太
傳貴贈通議大夫都察院右副都御史配王氏贈淑
人生二子長仲實以進士起家累官吏部考功員外
有盛德鉅名所為詩成化弘治間海內爭誦之予為
諸生時嘗辱其與進蓋歐陽文忠之流焉次仲字即
太傳公雅量宏度雖在顯頡而厥施罔究

武廟臨御之初固已兆有所尼之漸矣先配夫人仲
氏生三子儒佑傳繼配夫人袁氏生二子俸及君君
幼穎異不凡袁夫人夢鳳鳴樓屋上覺而生君暨就

外傳日記千言不忘年十三即能詩與文伯兄知州君侃於寺中見其詩謂太傅公曰吾家能詩者此人也太傅公喜乃遣從谿田馬先生受胡氏春秋提學秦君文深器許之令補州學生己卯鄉試提學大復何子景明試竣西歸語予曰關中士吾得二人隴州閻倬延安董珊子幸識之後關中稱名士者必二子也是科二子果中高等予由是切慕二君之才君第後則不棄予過則必訪繾綣數日始歸予以其文采肖考功溫雅肖太傅士大夫或以予爲知人後君登嘉靖己丑進士除知聞喜縣豈弟之政冰鑑之操吏

民感畏至不忍欺暇則課士勸學科貢不匱君之教也一時撫按旌賢舉最不可勝數乙未轉戶部主事民拔轅不忍去乃立碑頌德以東漢陳太丘內黃張問行武功李朝綱與君題爲四君子可以知其政矣在戶部分理通州倉出納詳慎丙申總理三河大壩草場摧督伸縮悉有條理歲餘所起至十餘萬却廩餼慎獄訟三河人愛戴歌誦至不容口閑則日課一詩皆清新爾雅得詩人之意大復之許詎弗信哉值上郊社禮成推恩臣下贈太傅公光祿大夫柱國太子太傅兵部尚書袁夫人一品太夫人丁酉督餉固

原事竣歸省太夫人遘疾具疏養病允之明年乙亥三月辛未竟不起矣於戲痛哉君世之懿寶也關中文獻予方望君將實懸表以振厥衰乃若此天且胡以生君又且胡以弗壽於君豈天亦無奈於數而鬼神妬而奪之邪抑如李賀冀後修文於天天受而闕之邪於戲痛哉君生弘治甲寅五月五日壬寅享年纔四十有六爾配劉氏布政使顯之女也封安人生男子二人館州學生娶子弟貢十二淳女次罈未聘女子四人長嫁雲南叅議郭田子士員中士次嫁戶部郎中邵伯宗子舉人景次聘引補宦舍人張珊子某次出

育於房氏妹孫男女各一人俱幼君有遺詩二卷予將序而刻之君可以不死矣是年冬十一月九日壬寅館等將葬君於太傅公墓側介其女弟夫景出君姪鏹所具狀請予銘其墓石予知君者且又重以姻契義不可辭銘曰 隆隆惟閭關隴所瞻鳳起子紹何用弗欣睨彼科甲其易若探王謝是並韋杜豈參繫君之才中壽而鈴大用弗究視后則兼祔葬考側永叶我占遺德不泯遺詩可耽徵懿考實世萬斯函

明故承德郎刑部主事張公墓志銘

公諱通字大亨家世長安杜陵人也上世譜失無徵

祖張大公生張二公張二公生公兄第四人而公長
焉公生而秉德寡言笑不逐群戲十五能通大學大
義張二公蓋異之令就學洎家道少衰乃令就賈二
公曰有子如此弗能令振且達豈非命邪豈非命邪
賈不數年其足跡已徧天下而諸關中言賈者皆出
公下矣然公性憚厚利而僅取足曰苟可以給日用
則生道所關如是而已夫何以厚爲哉此其意慮豈
庸人所能識哉成化乙巳關中大飢人相食也公諸
弟方在襁褓而二公又不解作業公曰家無餘積而
丁此大難親且老矣吾何以坐承其變於是轉糶襄

漢手足皆疲而家具温飽二公謂公曰備穀防旱養
子防飢今於汝驗之矣遂泣數行下公亦數行下洎
諸弟長成教令有立娶令有家二公又泣語公曰此
諸兒我生之汝成之諸兒不忘汝吾將瞑目無悔矣
故今關中稱孝友者獨先公焉蓋其誠意惻怛出於
天性如此云公娶高氏生男子二長治道甲戌進士
初爲長垣知縣有駿聲遷刑部主事娶田氏繼娶陳
氏次治化娶安氏一女子未聘天孫男子二人其苗裔
漸以盛矣公生天順戊寅七月戊子卒嘉靖癸未五月
巳酉春秋六十有六明年甲申某月日將葬公於曲

江新阡治道衰經奉狀來請予爲銘予有居在長安
書院坊蓋與刑部居甚邇從長老聞公行實與狀無
少異公心雖孝友而天性剛毅正直與人交一本公
道無所私曲人有過能面道之構者鮮失者復得容
接者人人自以爲喜此殆有占先長者之意焉刑部君
曰正德丙子先人以先祖命視子長垣居無何一日
方據案食忽棄筯太息曰吾心弗寧如此必吾親有
弗安者即命駕過歸適先母病居十一日而先祖母
卒四月而先祖亦卒身在數千里外而喘息呼吸與
親無間非心之篤孝何以感應神速若此於戲難矣

哉嘗謂刑部君曰吾家世業農畝至汝方以進士取
官吾宗顯矣汝何以自爲哉又曰世自先曾以上皆
無可考汝尚勵之此其微義大旨與司馬父子相告
語者何異今刑部君操德砥行名實昭迥抗節超邁
非公之所教耶當時舉重其文采予猶以爲未故心敬
好之弗專言焉於是爲之銘曰 維大亨父蓄光不
發留待厥子顯名方夏實承迺求以肇後始若彼巨
匯先邃而微故至無紀高官膺仕世所共尊義或弗
與故君子疾沒世而名弗稱千秋萬歲高岸爲谷况
此浮榮若大亨父下有厥子其道豈窮曲江之阡哉

我屹屹子孫瞻哉可以永終

明故亞中大夫四川布政司左叅議石君墓

志銘

君諱祿字君錫別號蓮峯上世南陽人也七世祖昭勝國時爲荆襄總帥佩金虎符因論計不合棄官來商洛而居華郡華郡臨渭二川其後族屬蕃衍更臨渭爲石鄉云昭生遠遠生閏閏生著明精於武技不樂仕進有子曰巖君曾祖也生三子某璞秀璞以義勇起家官昭勇將軍騎都尉錦衣衛指揮僉事秀爲鄉之善人受高年爵生四子其季子曰輝是爲封君明法

律有力絕人以椽爲磁澗逆運大使娶秦氏生君與其弟爵君幼穎悟英邁不群長補郡學生有文名弘治戊午舉鄉試明年己未登進士第爲南京刑科給事中倬有建論陞山西按察僉事緝姦剔蠹風采凜然撫按交薦之會有封君之憂已復除山西僉事去淹滯之獄慎囚圜之政處馬邑定襄飢饉之害平寧武之圍山西人深賴之復有秦孺人之憂已即改除四川時僉人蠻作亂都御史馬宗大以委君君親冒矢石討平之又爲立州建官以杜後讐坐是陞四川布政司左叅議君曰仕宦何時止乎會當塗者有言

即幡然以歸歸七年爲嘉靖甲申六月十一日以驟感痰蹶而卒據其生成化丙戌三月二十二日春秋五十有九予與君同試於鄉同宦於朝雖南北不同交特厚君心志恒夷不拘小節與人言盡布心意居鄉井恂恂謙退若弗知其爲達官貴人者此其過人遠矣君在諫垣時會災異條陳八事曰明體統戒逸欲崇敬畏親賢臣遠佞人抑外戚厲官守減力後復有

詔求直言君又陳十事曰親

經筵以弘聖學察賢否以明黜陟公賞罰以服人心

儲芻糧以實軍資釋將帥以固疆場罷營造以蘇民困開言路以決壅蔽又巡撫以便經畧慎守令以字黎元敦節義以厲風俗皆依事據理克中時宜予竊有取焉後君在四川每經武功必握手話舊數日而別據君之能以爲必躋顯順乃止於是私甚恠之洎予頻年遊華覩君躍馬大馳飲食起居若少年人恒自以爲難能顧亦復止於是於戲傷哉君娶黃氏封孺人內政嚴肅克弼君行生子一宗玉國子生女三長嫁兵部郎中東君子太學生元次嫁縣丞郭君子州學生岳季嫁潼關千戶汪君子渥側室詹民生三子

宗直宗王生男子曰堅君爲生孫也聘左副都御
史屈公次子國子生登之女明年三月某日將葬君
西溪先塋之次宗正持屈公所撰行狀請銘於予予
於是爲之銘曰西溪之東有墳窿窿其龍克從其風
有容是惟君之闕宮泰華裏子孫雍雍萬年靡窮

明故贈文林郎江西道監察御史李公太孺

人彭氏合葬墓志銘

公諱文亨字尚賢武功世族也曾祖永祖聰皆鄉之
長者聰娶某氏生公一人公幼有志於大人之學值
家貧不田木長而謹厚與物無忤配彭氏長者端之第

三女也生二男子長曰鳳次曰朝綱朝綱資性穎敏
公曰興吾宗者其朝綱乎命習蔡氏尚書正德丙子
中陝西鄉試高等明年試禮部不第以乙榜拜陽曲
教諭或勸之曰父命也陽曲二年爲正德己卯正月
公卒於家由生景泰甲戌享年六十有六公卒六年
鳳亦卒朝綱免喪拜章丘教諭未幾陞聞喜知縣被
選爲江西道監察御史此嘉靖庚寅事也值
上上兩宮徽號禮成推

恩臣下贈公爲文林郎江西道監察御史封彭氏爲
太孺人又二年朝綱知青州府乃奉太孺人於青州

越二年丁酉十一月某日太孺人卒於青州由生景
泰甲戌享年八十又四明年正月朝綱奉太孺人之
柩還武功明年己亥四月十有一日葬太孺人於東
原先塋合公之窆以予有姻契屬予銘其墓石予惟
公淳德休風克承先世是以篤生令子備法從守明
郡使士大夫傳芬播美以及無窮而太孺人事舅姑
勤紡績又有以承公之志植善萃祥享厥榮養生榮
死哀諸福備矣尚何憾哉太孺人生二女子一適孟
文達一適楊仕化五孫男子九式生員九疇業農九
山九川九叙俱就外傳五孫女子已嫁及聘者四人

未聘者一人牛大福與予甥生員習方楊河楊長史
子文光婿也其名隆慶與貞定者爲二曾孫男幼在
室者爲二曾孫女子孫馬常則聘其長者苗裔繁
矣銘曰猗與武功族惟李氏往代孔揚入明中已涵
蘊旣久必開厥美封君昌休其後光只旣光且繁奚
福不几東原之阡伉儷偕止豐碑若林其自今始我
銘在石告厥孫子

明故登仕郎 末壽王教授張君墓志銘

君諱儒珍字待聘別號東田居士上世固始人也元
固始人被遷入關中七世祖盛兄第五六人與俱來

而盛占籍武功興城里盛生汶周文獻文獻生好禮
 好禮生敬為君曾祖配馬氏文簡公姊也生海配侯
 氏生讓配程氏生三子長翔次士廉季即君君生而
 孝友慈祥謹恪幼即嗜學十八充縣學成化甲辰關
 中飢人相食乃與其兄奉其父母就食漢中洋縣凡
 不食之奉百方匍匐親志用安不知其為流離也一
 日自傍邑歸獨行山中幾百里許杳無人烟而饑憊
 已甚忽雲霧四合咫尺不辨君坐石上自分必死矣
 頃雲開見岩下有王瓜蔓數瓜纍然取噉之饑備若
 矣此孝感也居洋一年母卒君哀毀骨立洋之上人

稱說其孝若不容口明年兄某奉其父歸又一年則
 聞父病劇君不辦衣糧不辭主人乃宵夜行至家
 不知足之重胠也居數日而父卒哭泣之哀遠近嗟
 歎弘治己酉獨行至洋具小棺負母骨歸合葬於父
 每所至設香案雖世食之必祭而後食則跪告曰

今日將適某處其孝有如此者傳記所稱殆何加焉
 君讀書有大志累舉不利正德戊寅以歲貢拜河間
 縣學訓道又八年陞南皮縣學教諭所在以忠信教
 人雖豪生俠士亦服其教無敢易者彬彬之士懷若
 父母傳曰恭儉豈可以數奇笑貌為哉如君者非其

人耶嘉靖癸巳陞 永壽王教授王以爲長者殊禮
敬之明年九月二十七日庚寅卒於官 王重悲悼
以爲失吾良傅君生天順壬午五月三日丁酉享年
七十有三娶予叔姊生六男子鑄鑰鉉鎬鑄鍊皆縣
學生而鉉鎬先君卒鑄鍊戊子同科舉人孫男子七
人孫女子七人其胤繁矣今年乙未三月二十二日
壬午鑄等將葬君於鳳岡之麓新兆請予銘君之墓
於戲君與予同筆硯者十有餘年言必及義戲不抵
諱至於俱老且死未嘗有芥滯弗合者亡友鳳麓符
生嘗曰友道廢壞已久若東田子獨何人邪君孝友

之心出於天授違親已久思念不忘諸甥言君在官
見佳果美食未嘗不以享不逮親爲言予獨諒焉關
中之饑餓殍盈野君曰吾族寧無殍乎乃以俸金寄
極貧者會極貧者絕粒已數日矣得寄即能延及麥
成故其族獨無殍者君之孝友所及也君有才賢之
子對客畧無一言南皮張東之憲使清修之士也每
以君不譽子爲士大夫之奇操予深題之銘曰東田
隆隆何福不豐帝監厥孝錫此令終維德覃厚履則
斯宏旣畀賢子開廣厥宗益以多孫我張用崇振振
翼翼允述休風鳳岡之麓厥土維融我言卜之作子

幽宮後人克承茲封彌窮猗千萬年光我秦雍

承德郎刑部主事東希孟墓志銘

君諱野字希孟上世鞏昌人也高祖良元季守商州兵亂居華州子孫世爲華州人良生驥驥生昇昇生思忠有性行舉進士累官中議大夫贊治尹四川按察司副使夫人薛氏生男子五人周魯漢郊野皆命治蔡沈書傳辟進士魯漢先舉於鄉君尚少也乃卒出遂連舉進士明年弘治癸亥除知陳留縣陳留道衝後繁民貧弊不能堪也君至一一更整約束恭己儉費使爲民先又信賞集事䟽道守教化使清訟獄亡厯

喧私鬪也其故爲盜掠者以無措斂能安生也徃徃變更爲良人凡所以伸縮者道路傳之皆長者然性善惡惡人及豪逆不法故徃徃見犯者皆務盡法亡所舒緩焉河南撫按及布按重臣皆器重之凡所編籍及訟獄之事其最難者故亡不以委君君至果一一有度理一時尹縣者莫能或之先也正德丁卯吏部舉縣職以君年少佚資也但以刑部主事在刑部人皆曰不媿其先人蓋其先人按察公故爲刑部郎中有平聞於今不窮也冬十月提獄禁至十一月朔歸歸即中寒又十四日乃不起今年纔二十又六於平

惜也已矣昔希子孟言自兵燹來百十年北方弟子皆無書籍故陳留置書籍數十百種其有閒暇率弟子至躬自課亡日政靡不能矣使假之以年而益自宏肆向裏雖古人曷媿也於乎乃不然也卒之三日給事段君世高書狀來請爲銘後二十日兄魯漢以試至則又請矣夫希孟性行純美其數修短如此然視刻削近名者宜何以終焉嗚呼痛哉已矣希孟娶王氏已封爲孺人子一命曰願壽甫一歲卒後二日又生女順壽神彩瑩澈宜有子矣銘曰年非修也而已終也官非卑也而已通也德非疚也而已窮也嗟嗟何也嗣有其子亡可祭也

二兄墓志銘

君諱淮字德疏仲父藁城府君子也母曰甄氏故侍郎甄公之孫兄生而穎異先平陽府君教之學喜之乃後以仲父卒業太學因治家人業遂竟廢學性個儻好客飲酒及石罔醉醉後慷慨高歌不計家之有無坦然惟意所行而已有司請兄受高年壽辭之嘉靖癸巳冬往兗州訪叔弟德清與居三月曲盡其情愛曰兄老矣吾弟居官廉慎明允如此吾可歸報汝五兄矣明年閏二月十一日戌申歸至新安病作不

起三月三日巳已柩還兄生成化戊子十月十七日
癸卯享年六十有七初娶馮氏故中城兵馬副指揮
義之女生一女子嫁前生員魏校繼馮氏嫂妹也生
一男子二女子男桐縣學生娶馬氏生男女各一繼
薛氏生男子一命曰承祀兄之孫也二女子一嫁生
員楊自東一嫁馬希龍今年乙未十一月二十七日
甲申將葬唐山先塋與前嫂合葬桐請銘其墓石銘
曰坦易勿校盛德所蹈年高言長何福不效葬依祖
考並汝德耀千歲自今安此宅兆

明故迪功郎伊陽縣丞康可久墓志銘

可久諱永嘉族兄國子生文敷子也文敷兄有大志
瀕幾於仕死遺子二人可久少即有才譽先平陽府
君甚奇之以爲光吾宗者此兒也時予以可久十歲
每有戒諭則必稱可久云洎予稍長則始知平陽府
君所稱予甚不輕也予謂可久必第進士成聞人顧
竟不第正德庚午歲貢入國子祭酒魯振之殊惜其
才又十三年壬午上吏部拜伊陽縣丞五年考績當
受上賞乃力求致仕巡撫何道亨懇留不獲竟致仕
歸時嘉靖丙戌秋也是年予歸田里十有九年可久
雖族子義若友生子凡有所言唯得可久始語之可

父性孤特耻與下流遊居官居家清謹之操時輩無可同日語者故予每以可父爲韋弦乃己丑二月十八日甲申疾作卒矣由生成化乙酉二月十五日壬辰享年六十有五娶喬氏里人喬銓之女有婦德克家教子鄉黨宗族以爲難能由少至老未嘗出一疾言此可以知吾可父之有家相也嘉靖十二年癸巳九月二十日己未亦卒由生天順壬午四月十七日壬午享年七十有二生男子四人輅輪輞輞輞有穎質不幸早死輅治家人業輪輞俱生員孫子十人孫女子七人先是可父已葬西原新塋今年己未十二月十四日庚寅輅等奉其母合葬於可父因來請銘其墓銘曰學行昭只行藏異石天摧哲人元數戾止並儷趨化孫子茂止西原孔嘉終亦安只

明故奉政大夫山西按察司僉事暢君墓志

銘

君諱華字子實甘肅臨汾人也曾祖和甫尚遊於秦子孫世爲隴西人祖茂永樂甲午舉人拜陽谷令今祀於鄉賢祠父祿以國子生拜孟津簿卓有政聲改簿祥符後又以君貴贈承德郎刑部主事母蒙氏封太安人君資性偉異六歲即知學有奇志祥符君曰

予有官不能行志有祿不逮養親生子若是胡以卑
 官役役於人哉遂致事歸而君為生員極為濠庵先
 生所重從學者日至其門果領弘治甲子鄉舉閱年
 祥符君卒君哀毀過禮終制始遂舉正德丁丑進士
 拜無錫知縣興滯補弊庶務畢舉撫按交薦其能嘉
 靖癸未擢刑部廣東司主事論刑明允戊子奉

命決獄畿內平反實多尋陞刑部福建司員外郎已
 丑復奉

命審錄平反一如畿內有疏論條例繁難未報下內
 艱歸服除庚寅陞山西按察司僉事值苛嵐寇發官

莫能制撫按以君往君往不旬日渠魁悉殄脅從盡
 釋撫按以功上賞緞二疋銀十兩撫按又以河東道
 累值凶荒請

勅專以公分巡河東道弭盜安民時論偉焉有倡白
 蓮教者君取其人至以禍福禮義論之其人感泣即
 散去復猗氏有為此教者誅戮不可勝言人乃知封
 君曲突徙薪之恩博矣僉事三年撫按薦牒交上而
 陞遷且適君曰年將六十西山日薄盍歸乎來於是累
 疏乞休

勅下吏部吏部以為暢華廉能素著累次告休情非

得已

上始免之甲午夏歸道過武功予與南里楊用之舍
弟德克相率置酒飲君君歸未幾八月二十七日辛
酉君不起矣由生成化丙申六月六日丁丑春秋五
十又九先配贈安人王氏伴讀河南王某女早逝繼
配封安人齊氏千戶忠之女先君七年卒生子男六
情懷治家人業心性國子生齊出也志意方進於學
側室王氏出也女二長適監生柳瑜次適生員楊光
宇孫男三桐梧情子柎心子孫女四長適王宗武次
許和皆鞏昌衛指揮龍子餘尚幼情等將以是年月

日葬君鞏哥山新塋以舉人史錄狀乞銘於予按狀
君居官蒞政臨事善裁經年疑獄數言而決在無錫
在刑部若買僮誣主及借糧脅盜數事觀之是失以
狀詳載故不復豈非天資卓絕者哉銘曰
有文且才魏科膺仕厥名如雷方將
既拜俞旨歸息隴隈三月而隕先事
式興我哀鞏山巖巖隴水洄洄新阡孔
子孫振振厥世何媿考德昭潛尚慎旃哉

明故霑化縣儒學教諭趙公墓志銘

公諱玉字汝石其始祖曰公用子孫第稱曰南京公

得已

上始名之甲午夏歸道過武功予與南里楊用之舍
 弟德克相率置酒飲君君歸未幾八月二十七日辛
 酉君不起矣由生成化丙申六月六日丁丑春秋五
 十又九先配贈安人王氏伴讀河南王其女早逝繼
 配封安人齊氏千戶忠之女先君七年卒生子男六
 情懷治家人業心性國子生齊出也志意方進於學
 側室王氏出也女二長適監生柳瑜次適生員楊光
 宇孫男三桐梧情子耕心子孫女四長適王宗武次
 許種皆鞏昌衛指揮龍子餘尚幼情等將以是年月

日葬君鞏哥山新塋以舉人史錄狀乞銘於予按狀
 君居官蒞政臨事善裁經年疑獄數言而決在無錫
 在刑部若買僮誣主及借糧脅盜數事觀之是矣以
 狀詳載故不復豈非天資卓絕者哉銘曰桓桓暢君
 有文且才魏科膺仕厥名如雷方將大施乃思草萊
 既拜俞旨歸息隴隈三月而隕先事克猜明哲之舉
 式興我哀鞏山巖巖隴水汨汨新阡孔嘉惟配是借
 子孫振振厥世何媿考德昭潛尚慎旃哉

明故霑化縣儒學教諭趙公墓志銘

公諱玉字汝石其始祖曰公用子孫第稱曰南京公

云蓋自元之盛日趙氏在南屬近者徙西北時公用尚幼而孤至其寡姑與俱徙平涼遂占籍為平涼人然不知為趙氏何屬也杭在宋為南京其曰南京公可占其苗裔矣公用娶張氏生佳兒佳兒洪武三年置府城東門坡下宅與弟共居住兒生得名得名生榮榮生子祥福禎祥子常安弱冠當婚逃去為道士居秦徽山中獵者每見兩虎倚其廬升木訊焉曰山君與野獸相狎無他也福以國子生為平谷縣丞取楊氏生公幼即莊敬嗜學外舅考功員外郎靈臺史公書奇之於是以其長女議婚云成化甲辰關中饑

甚公時從外舅遊學京師亟以糲奩歸平谷云易粟救荒外舅語諸縉紳咸嘉歎焉公以偉才積學凡六試場差輒不第正德丁卯平谷公卒公既終喪恨不能成父之志應貢上京師途得金祿甚巨息樹下以待其主至與之主以什一謝公公馳去不顧

廷試後拜元城訓導值惡教諭伐號房戶牖及文廟樹以貨督求諸生公唯日坐齋課諸生經書惡教諭愈益嫉公公不為意也遷霑化教諭凡諸生所餽贈皆辭不受嘉靖己丑致仕歸環堵敝廬蔬食飲水其意條然樂也丁酉二月二十四日癸酉公不起矣生

天順癸未九月二十三日巳卯春秋七十有五公初娶史氏生子時元有孫三人守約守敬守業及孫女一早歿繼娶范氏未舉子而卒繼又娶許氏生子時春及女子一人為生員張雲龍妻側室王氏生子時泰及一女子尚幼初時春以巳巳歲生公語諸親友曰此兒有異須吾得學官祿力教之以成吾父之志故有元城之行後至霑化時春俞益開悟公日以談笑飲酒為樂壬午時春年十四漁石唐公虞佐石岡蔡公成之為予道其才美若不容口然但舉鄉試第三人予私憤焉丙戌會試乃舉第一改庶吉士讀中

秘書出館授刑部主事庚寅上封事罷主事歸光大之業方正之氣海內推焉公可謂有子矣夫比公疾革遺命時春朝終夕殮勿停柩勿告訃勿厚葬必以予志其墓石茲將以月日葬公南山文原時春以狀來請銘從公志也公之盛德雅操備在家集不可枚舉有子如刑部終無弗傳者矣 銘曰世有哲人必昌厥後其昌伊何匪祿匪富令聞不忘厥履允厚厥履允厚萬祀所崇若彼茂草奚其為容於惟先生逝哉鉅宗溯流循源有倬其洪公需我銘愧無闡表佳城巍巍令子所封孝子不替斯公令終

明文林郎知四川大竹縣事種公墓志銘

公姓種名山字宗嶽別號素菴宋處士放之後放隱終南姪世衡由清澗徙知環州遺子孫在關內遂為咸寧興慶人傳至茂生敏不仕為鄉善人配高氏繼許氏生公公生氣質聰敏安靜不為浮躁長為學第子蔚然以文鳴成化戊子中鄉試高第會試累不第丁未春乃就吏部授四川大竹縣知縣大竹僻在蜀西南隅民不知法強者率意侮慢有能吏至亦不敢禁公曰吾不以猛民將何賴時有游迪者人號游扁不餘力首除之民帖以安地又多盜縣又無城郭公

曰民無城何以保乃創為之甚堅大鄭思釗娶盜於山謀不軌力收之盡得其黨盜自是無學校有敝壞者輒振飭脩舉有詐上吏公文以羅利者諸郡縣應之公獨辨為偽巡撫都御史邢公表深器重之乃與巡按御史歐陽公旦陳公瑤會議旌舉于

朝後益自勵於政聲日益新人日益畏弘治丁巳以目疾懇乞致仕歸歸七年而為癸亥之冬十月一日病石起距生正統癸亥七月三日合是春秋六十有一歲配荔氏關輔名家女生子二長雲霄七品散官取彭氏雲漢府學生聘李氏女三長適諸生田滋次

適周思儉又次適吾表弟閻瀚孫男子一賦霄出也
乃即乙丑十一月十五日葬龍首之岡新兆霄因瀚
以狀來乞銘余不可辭且狀出吾友朱公在璣事當
有徵乃銘曰
德惟不渝聲無爾祛維我克常名以不荒我銘在茲
惟公其無疆

